



**კავკასიის უნივერსიტეტი
კავკასიის სამართლის სკოლა**

საგანმანათლებლო პროგრამის დასახელება	სამართალი
საგანმანათლებლო პროგრამის დასახელება ინგლისურ ენაზე	Law
უმაღლესი აკადემიური განათლების საფეხური	მაგისტრატურა
საგანმანათლებლო პროგრამის ტიპი	რეგულირებადი
სწავლების ენა	ქართული
მისანიჭებელი კვალიფიკაცია, კოდი	0421
ქართულად:	I ნაწილი - სამართლის მაგისტრი II ნაწილი - კვლევის მაგისტრი სამართალში
ინგლისურად:	Part I – Master of Law Part II - Master of Research in Law
პროგრამის დამტკიცების თარიღი	07.08.2009
პროგრამის განახლების თარიღი	29.06.2026, N01/01-68
პროგრამის ხელმძღვანელი და თანახელმძღვანელი	ლევან მოსახლიშვილი, კავკასიის უნივერსიტეტის ავილირებული პროფესორი
პროგრამის მოცულობა კრედიტებით	

სამართლის სამაგისტრო საგანმანათლებლო პროგრამა შედგება ორი ნაწილისგან, რომელთაგან თითოეულის მოცულობა შეადგენს 60 ECTS კრედიტს, ჯამურად 120 ECTS კრედიტს. სტუდენტის წლიური სასწავლო დატვირთვა, როგორც წესი, შეადგენს 60 ECTS კრედიტს და არ უნდა აღემატებოდეს 75 ECTS კრედიტს, შესაბამისად სამაგისტრო პროგრამის თითოეული ნაწილის ხანგრძლივობა შეადგენს 1 აკადემიურ წელს. ერთი ECTS კრედიტი უდრის 25 საათს და მოიცავს როგორც მაგისტრანტის საკონტაქტო დატვირთვას (ლექცია, სემინარი, პრაქტიკუმი და სხვა), ასევე დამოუკიდებელი მუშაობისათვის განკუთვნილ დროს. სამართლის სკოლის მაგისტრატურაში სასწავლო წელი აგებულია სემესტრული პრინციპით, სადაც პირველი (შემოდგომის) და მეორე (გაზაფხულის) სემესტრი მოიცავს 19 კალენდარულ კვირას, შესაბამისად, სასწავლო წელი დაგეგმილია 38 კვირაზე.

სამართლის სამაგისტრო საგანმანათლებლო პროგრამა, მიუხედავად მისი ორი თანმიმდევრული 60 ECTS-იანი ნაწილისგან შემდგარი სტრუქტურისა, წარმოადგენს ერთიან საგანმანათლებლო პროგრამას და ეფუძნება სწავლის შედეგებზე დაფუძნებულ მიდგომას, რაც უზრუნველყოფს კომპეტენციების ეტაპობრივ, ლოგიკურ და ურთიერთდაკავშირებულ განვითარებას პროგრამის მთელ მოცულობაში.

პროგრამის პირველი 60 კრედიტიანი ნაწილი ორიენტირებულია სამართლის ერთ ან რამდენიმე სფეროში სპეციალიზაციაზე, პროფესიული და პრაქტიკული კომპეტენციების განვითარებაზე, აგრეთვე სამართლებრივი პრობლემების ანალიზისა და გადაწყვეტის უნარის ჩამოყალიბებაზე. აღნიშნული ნაწილი მოიცავს თეორიულ სასწავლო კურსებს (სავალდებულო და არჩევითი), პრაქტიკულ კომპონენტებს (შემთხვევის ანალიზი (case study), იმიტირებული სასამართლო პროცესები, კლინიკური სწავლება და სხვა) და პროფესიული ეთიკის პრინციპების პრაქტიკულ გამოყენებაზე, აკადემიური კეთილსინდისიერებისა და იურიდიული არგუმენტაციის განვითარებაზე მიმართულ აქტივობებს.

პროგრამის მეორე 60 კრედიტიანი ნაწილი მოიცავს პირველი ნაწილის ფარგლებში განვითარებულ კომპეტენციებს და ორიენტირებულია სიღრმისეული თეორიული და ანალიტიკური ცოდნის განვითარებაზე, კვლევითი კომპეტენციების გაძლიერებაზე და კომპლექსური სამართლებრივი პრობლემების დამოუკიდებლად ანალიზსა და გადაწყვეტაზე. იგი მოიცავს კვლევის მეთოდოლოგიისა და აკადემიური

წერის განვითარებას, სპეციალიზაციის შემდგომ გაღრმავებას, აგრეთვე კვლევით კომპონენტს — სამაგისტრო ნაშრომს (30 ECTS კრედიტი), რომელიც ეფუძნება დამოუკიდებელ კვლევას და აკმაყოფილებს აკადემიური კეთილსინდისიერების სტანდარტებს.

სამაგისტრო პროგრამის ოპტიმალური ვადის (2 წელი) დასრულების შემდეგ, თეორიული, პრაქტიკული ან/და კვლევითი კომპონენტების სრულად აუთვისებლობის შემთხვევაში, მაგისტრანტს უფლება აქვს სწავლა დაასრულოს დამატებით ვადაში.

პროგრამის პირველი ნაწილის სტანდარტული ვადის (ერთი წელი) ამოწურვის შემდეგ სტუდენტს უფლება აქვს საგანმანათლებლო პროგრამის დასრულების მიზნით სწავლა განაგრძოს დამატებითი სემესტრების (არაუმეტეს ორი სემესტრისა) (ერთი აკადემიური წელი) განმავლობაში, ხოლო პროგრამის მეორე ნაწილის სტანდარტული ვადის (ერთი წელი) ამოწურვის შემდეგ კი არაუმეტეს 4 სემესტრისა (ორი აკადემიური წელი), სტუდენტის სტატუსის შენარჩუნებით.

დამატებითი სემესტრების განმავლობაში სტუდენტს უნარჩუნდება სტატუსი, ხოლო სწავლის საფასური განისაზღვრება ასათვისებელი კრედიტების რაოდენობის შესაბამისად, პროგრამისათვის დადგენილი წლიური გადასახადის პროპორციულად.

პროგრამაზე დაშვების წინაპირობა

I. სამართლის სამაგისტრო პროგრამის პირველ ნაწილზე ჩარიცხვა

სამართლის სამაგისტრო პროგრამის პირველ ნაწილზე ჩარიცხვის წინაპირობებია:

- სამართლის ბაკალავრის ან მასთან გათანაბრებული აკადემიური ხარისხის ფლობა;
- სსიპ – შეფასებისა და გამოცდების ეროვნული ცენტრის მიერ ჩატარებული საერთო სამაგისტრო გამოცდის წარმატებით ჩაბარება;
- ინგლისური ენის არანაკლებ B2 დონეზე ცოდნის დადასტურება;
- კავკასიის უნივერსიტეტის სამართლის სკოლის მიერ ორგანიზებული გამოცდის ან/და გასაუბრების წარმატებით გავლა.

ინგლისური ენის არანაკლებ B2 დონეზე ცოდნა დასტურდება შესაბამისი საერთაშორისო სერტიფიკატით (IELTS — არანაკლებ 6.0 ქულა; TOEFL — არანაკლებ 78 ქულა; ან B2 დონის სხვა შესაბამისი საერთაშორისო სერტიფიკატი). სერტიფიკატის არქონის შემთხვევაში უნივერსიტეტი უზრუნველყოფს ინგლისური ენის შიდა გამოცდის ჩატარებას, რომელიც ამოწმებს აპლიკანტის მიერ ინგლისური ენის არანაკლებ B2 დონეზე ფლობას და მოიცავს კითხვის, წერისა და ენობრივი კომპეტენციის შესაბამის დავალებებს.

აპლიკანტი ინგლისური ენის შიდა გამოცდისაგან თავისუფლდება, თუ მას ინგლისურ ენაზე გავლილი აქვს საბაკალავრო ან სამაგისტრო საგანმანათლებლო პროგრამა ან აკმაყოფილებს უნივერსიტეტის შიდა სამართლებრივი აქტებით განსაზღვრულ სხვა შესაბამის პირობას.

უცხოეთში მიღებული განათლების მქონე პირის პროგრამაზე დაშვება ხორციელდება საქართველოს კანონმდებლობითა და უნივერსიტეტის შიდა სამართლებრივი აქტებით დადგენილი წესით.

II. სამართლის სამაგისტრო პროგრამის მეორე ნაწილზე სწავლის გაგრძელება ან ჩარიცხვა

სამართლის სამაგისტრო პროგრამის მეორე ნაწილზე სწავლის გაგრძელების ან ჩარიცხვის წინაპირობებია:

- პროგრამის პირველი ნაწილის დასრულება და შესაბამისი 60 ECTS კრედიტის დაგროვება;
- ინგლისური ენის არანაკლებ B2 დონეზე ცოდნის დადასტურება;
- კავკასიის უნივერსიტეტის სამართლის სკოლის სამაგისტრო მიმღებ კომისიასთან სპეციალობაში გასაუბრების წარმატებით გავლა.

ინგლისური ენის არანაკლებ B2 დონეზე ცოდნა დასტურდება შესაბამისი საერთაშორისო სერტიფიკატით (IELTS — არანაკლებ 6.0 ქულა; TOEFL — არანაკლებ 78 ქულა; ან B2 დონის სხვა შესაბამისი საერთაშორისო სერტიფიკატი) ან უნივერსიტეტის მიერ ჩატარებული ინგლისური ენის შიდა გამოცდის წარმატებით ჩაბარებით. პირი ინგლისური ენის შიდა გამოცდისაგან თავისუფლდება, თუ ენის ცოდნის დამადასტურებელი შესაბამისი დოკუმენტი ან უნივერსიტეტის მიერ ჩატარებული გამოცდის შედეგი უნივერსიტეტისათვის უკვე ხელმისაწვდომია ან იგი აკმაყოფილებს უნივერსიტეტის შიდა სამართლებრივი აქტებით განსაზღვრულ სხვა შესაბამის პირობას.

არანაკლებ 120-კრედიტიანი სამაგისტრო საგანმანათლებლო პროგრამის პირველ ნაწილზე საერთო სამაგისტრო გამოცდისა და უნივერსიტეტის მიერ განსაზღვრული გამოცდის ან/და გასაუბრების საფუძველზე ჩარიცხული პირი, რომელიც კავკასიის უნივერსიტეტში დაასრულებს აღნიშნული პროგრამის 60 კრედიტის მოცულობის პირველ ნაწილს, უფლებამოსილია საერთო სამაგისტრო გამოცდის

განმეორებით ჩაბარების გარეშე გააგრძელოს სწავლა იმავე პროგრამის 60 კრედიტის მოცულობის მეორე ნაწილზე, თუ პროგრამის პირველ ნაწილზე მისი ჩარიცხვიდან არ გასულა 5 წელი და იგი აკმაყოფილებს პროგრამის მეორე ნაწილზე სწავლის გაგრძელების სხვა წინაპირობებს.

აღნიშნული ხუთწლიანი ვადის გასვლის შემდეგ იმავე არანაკლებ 120-კრედიტიანი სამაგისტრო საგანმანათლებლო პროგრამის 60 კრედიტის მოცულობის მეორე ნაწილზე სწავლის გაგრძელების მსურველი ვალდებულია ჩააბაროს საერთო სამაგისტრო გამოცდა და დააკმაყოფილოს პროგრამის მეორე ნაწილზე დაშვების სხვა წინაპირობები.

პირი, რომელმაც სხვა უმაღლეს საგანმანათლებლო დაწესებულებაში დაასრულა იმავე არანაკლებ 120-კრედიტიანი სამაგისტრო საგანმანათლებლო პროგრამის 60 კრედიტის მოცულობის პირველი ნაწილი და კავკასიის უნივერსიტეტში ამ პროგრამის 60 კრედიტის მოცულობის მეორე ნაწილზე ჩარიცხვა სურს, ვალდებულია ჩააბაროს საერთო სამაგისტრო გამოცდა და დააკმაყოფილოს პროგრამის მეორე ნაწილზე დაშვების სხვა წინაპირობები.

პროგრამის მეორე ნაწილზე პირის ჩარიცხვა და მის მიერ უცხოეთში ან სხვა უმაღლეს საგანმანათლებლო დაწესებულებაში მიღებული განათლებისა და დაგროვებული კრედიტების აღიარება ხორციელდება საქართველოს კანონმდებლობის, უნივერსიტეტის შიდა სამართლებრივი აქტებისა და კავკასიის უნივერსიტეტის სამართლის სკოლის მაგისტრატურის დებულების შესაბამისად.

პროგრამის საკვალიფიკაციო დახასიათება

პროგრამის მიზანი	პროგრამის ნაწილი I (60 ECTS) – სამართლის მაგისტრი პროგრამის პირველი ნაწილის მიზანია: • სამართლის ერთ ან რამდენიმე სფეროში სიღრმისეული ცოდნისა და სპეციალიზაციის განვითარება, თანამედროვე სამართლებრივი ტენდენციებისა და სასამართლო პრაქტიკის გააზრება; • პროფესიული და პრაქტიკული კომპეტენციების განვითარება, სამართლებრივი პრობლემების იდენტიფიცირების, ანალიზისა და დასაბუთებული გადაწყვეტის უნარის გაძლიერება; • სამართლებრივი ინფორმაციის მოძიების, კრიტიკული შეფასებისა და ეფექტიანი გამოყენების უნარის განვითარება ეროვნულ, საერთაშორისო და ევროპულ სამართლებრივ კონტექსტში; • სტუდენტების მომზადება სამართლის სფეროში პროფესიული საქმიანობისთვის პროფესიული ეთიკისა და სამართლებრივი სტანდარტების შესაბამისად. პროგრამის ნაწილი II (60 ECTS) – კვლევის მაგისტრი სამართალში პროგრამის მეორე ნაწილის მიზანია: • სამართლის სფეროში სიღრმისეული თეორიული, ანალიტიკური და კვლევითი ცოდნის განვითარება; • სამართლებრივი კვლევის მეთოდოლოგიის, აკადემიური წერისა და დამოუკიდებელი სამართლებრივი კვლევის განხორციელების კომპეტენციების ჩამოყალიბება; • კომპლექსური სამართლებრივი პრობლემების კრიტიკული ანალიზისა და თანამედროვე მეცნიერული მიდგომების გამოყენების უნარის განვითარება; • სტუდენტების მომზადება დამოუკიდებელი კვლევითი და აკადემიური საქმიანობისთვის, სამართლის განვითარებისა და სრულყოფის პროცესში მონაწილეობის მიზნით.
პროგრამის სწავლის შედეგები	სამართლის სამაგისტრო საგანმანათლებლო პროგრამის დასრულების შემდეგ სტუდენტი არჩეული მოდულის მიხედვით: სამართლის სამაგისტრო საგანმანათლებლო პროგრამის სწავლის შედეგები სამართლის სამაგისტრო საგანმანათლებლო პროგრამის დასრულების შემდეგ სტუდენტი, არჩეული მოდულის მიხედვით, აღწევს შემდეგ სწავლის შედეგებს: I ნაწილი – 60 ECTS კრედიტი: A – ცოდნა და გაცნობიერება A.1. სისტემურად და კრიტიკულად განმარტავს კერძო, სისხლის, საჯარო ან საერთაშორისო სამართლის სფეროში არსებული სამართლებრივი ინსტიტუტებისა და ურთიერთობების თეორიულ, დოგმატურ და პრაქტიკულ თავისებურებებს შედარებით სამართლებრივ კონტექსტში; კრიტიკულად განიხილავს სამართლებრივი პრობლემების წარმოშობის მიზეზებს, მათი გადაწყვეტის მეთოდოლოგიურ საფუძვლებს, დოქტრინისა და სამოსამართლო სამართლის განვითარების ადგილობრივ და საერთაშორისო ტენდენციებს. A.2. ახასიათებს საერთაშორისო სამართლის, ევროკავშირის სამართლისა და შედარებით სამართლებრივი მიდგომების გავლენას ეროვნული სამართლის განვითარებასა და სამართლებრივი პრაქტიკის ფორმირებაზე. B – უნარი B.1. აანალიზებს კომპლექსურ თეორიულ და პრაქტიკულ სამართლებრივ პრობლემებს, მათ შორის არასრული ან წინააღმდეგობრივი ინფორმაციის პირობებში,

აყალიბებს მათი გადაწყვეტის დასაბუთებულ გზებს და წარმოადგენს შესაბამის სამართლებრივ არგუმენტებს წერილობითი და ზეპირი ფორმით.

B.2. იყენებს სამართლებრივი ანალიზის თანამედროვე მეთოდებს, მოიძიებს, ამუშავებს, კრიტიკულად აფასებს და სინთეზურად აერთიანებს სამართლებრივ და სხვა რელევანტურ ინფორმაციას, რის საფუძველზეც აყალიბებს დასაბუთებულ სამართლებრივ დასკვნებს.

C – პასუხისმგებლობა და ავტონომიურობა

C.1. დამოუკიდებლად მოიძიებს, აანალიზებს და იყენებს ახალ სამართლებრივ ინფორმაციას, დოქტრინულ წყაროებსა და სასამართლო პრაქტიკას პროფესიული საქმიანობისა და უწყვეტი პროფესიული განვითარების მიზნით.

C.2. პროფესიული ეთიკის, აკადემიური კეთილსინდისიერებისა და სამართლებრივი პასუხისმგებლობის პრინციპების დაცვით ახორციელებს პროფესიულ საქმიანობას.

II ნაწილი – 60 ECTS კრედიტი

მოიცავს I ნაწილის ფარგლებში მიღწეულ სწავლის შედეგებს და უზრუნველყოფს მათ შემდგომ განვითარებას სიღრმისეული თეორიული ცოდნისა და კვლევითი კომპეტენციების გაძლიერების გზით.

აღნიშნულის საფუძველზე კურსდამთავრებული ავლენს შემდეგ ცოდნას, უნარებსა და პასუხისმგებლობას:

D – ცოდნა და გაცნობიერება

D.1. სისტემურად და კრიტიკულად განმარტავს სამართლის შესაბამისი სფეროს თანამედროვე განვითარების ტენდენციებს, დოქტრინისა და სამოსამართლო სამართლის ადგილობრივ და საერთაშორისო პრაქტიკას.

D.2. სიღრმისეულად ხსნის სამართლის სფეროში არსებულ კომპლექსურ თეორიულ და პრაქტიკულ პრობლემებს, კრიტიკულად განიხილავს მათთან დაკავშირებულ სამართლებრივ მიდგომებს, თანამედროვე მეცნიერულ შეხედულებებსა და სამართლის განვითარების მიმართულებებს.

D.3. განმარტავს სამართლებრივი კვლევის თანამედროვე მეთოდებს, მათ თეორიულ საფუძვლებს, მნიშვნელობასა და როლს აკადემიური და პრაქტიკული სამართლებრივი კვლევის განხორციელების პროცესში.

E – უნარი

E.1. დამოუკიდებლად ახორციელებს ორიგინალურ სამართლებრივ კვლევას, აყალიბებს კვლევით კითხვებს, ირჩევს და იყენებს შესაბამის მეთოდოლოგიას, ანალიზებს მიღებულ შედეგებს და წარმოადგენს დასაბუთებულ სამართლებრივ დასკვნებს.

E.2. ანალიზებს კომპლექსურ და ინტერდისციპლინურ სამართლებრივ პრობლემებს, იყენებს შესაბამის კვლევით და ანალიტიკურ მეთოდებს და შეიმუშავებს დასაბუთებულ სამართლებრივ დასკვნებსა და რეკომენდაციებს.

E.3. აკადემიური კეთილსინდისიერებისა და პროფესიული ეთიკის სტანდარტების დაცვით აყალიბებს, ასაბუთებს და წარადგენს სამართლებრივ პოზიციას პროფესიული და აკადემიური აუდიტორიის წინაშე.

F – პასუხისმგებლობა და ავტონომიურობა

F.1. ახორციელებს პროფესიულ საქმიანობას კომპლექსურ და ცვალებად სამართლებრივ გარემოში, დამოუკიდებლად იღებს გადაწყვეტილებებს და იყენებს სტრატეგიულ და ინოვაციურ მიდგომებს.

F.2. პროფესიული ეთიკის, აკადემიური კეთილსინდისიერებისა და სამართლებრივი პასუხისმგებლობის პრინციპების დაცვით დამოუკიდებლად ახორციელებს პროფესიულ და კვლევით საქმიანობას, თანამედროვე სამართლებრივი მიდგომებისა და მეთოდების გამოყენებით.

	F.3. იღებს პასუხისმგებლობას საკუთარი და სხვების პროფესიულ საქმიანობაზე, იცავს აკადემიური კეთილსინდისიერებისა და პროფესიული ეთიკის პრინციპებს და უზრუნველყოფს უწყვეტ პროფესიულ განვითარებას.
დასაქმების სფეროები	სამართლის მაგისტრს შესაძლებლობა აქვს დასაქმდეს საჯარო, კერძო და საერთაშორისო სექტორში ისეთ პოზიციებზე, სადაც მოითხოვება სამართლის მაგისტრის აკადემიური ხარისხი და საქართველოს კანონმდებლობით არ არის გათვალისწინებული დამატებითი საკვალიფიკაციო ან სასერტიფიკაციო მოთხოვნები. სამართლის მაგისტრს შეუძლია განახორციელოს კომპლექსური სამართლებრივი საკითხების ანალიზი, სამართლებრივ კონსულტირებასა და გადაწყვეტილებების მიღებაზე ორიენტირებული პროფესიული საქმიანობა, აგრეთვე დამოუკიდებელი აკადემიური და კვლევითი საქმიანობა ეროვნულ და საერთაშორისო დონეზე. პროგრამის მეორე 60-კრედიტიანი ნაწილის დასრულებისა და „კვლევის მაგისტრი სამართალში“ კვალიფიკაციის მიღების შემდეგ კურსდამთავრებულს, გარდა ზემოაღნიშნული პროფესიული საქმიანობისა, შეუძლია განახორციელოს დამოუკიდებელი აკადემიური და კვლევითი საქმიანობა, დასაქმდეს უმაღლეს საგანმანათლებლო და კვლევით დაწესებულებებში, კვლევით და ანალიტიკურ ცენტრებში, საერთაშორისო ორგანიზაციებში და სამართლებრივი პოლიტიკის ანალიზისა და განვითარების მიმართულებით მომუშავე ინსტიტუტებში.
სწავლის გაგრძელების შესაძლებლობა	პროგრამის პირველი 60 ECTS კრედიტიანი ნაწილის დასრულების შემდეგ კურსდამთავრებულს, რომელსაც ენიჭება კვალიფიკაცია — „სამართლის მაგისტრი“, უფლება აქვს სწავლა განაგრძოს ამავე ან ანალოგიური პროგრამის მეორე ნაწილზე. სამართლის სამაგისტრო საგანმანათლებლო პროგრამის მეორე ნაწილის დასრულების შემდეგ კურსდამთავრებულს უფლება აქვს სწავლა განაგრძოს სამართლის სადოქტორო პროგრამაზე ან სხვა მიმართულების სადოქტორო პროგრამაზე, შესაბამისი პროგრამით დადგენილი მოთხოვნების დაკმაყოფილების შემთხვევაში.
სტუდენტის ცოდნის შეფასების სისტემა	
შეფასების მიზანია იმის გარკვევა, თუ რამდენად არის მიღწეული სასწავლო კურსით განსაზღვრული სწავლის შედეგები. სტუდენტთა შეფასება არის მრავალკომპონენტიანი და უზრუნველყოფს კურსის მიზნებისა და სწავლის შედეგების შეფასებას, რაც მიიღწევა კონკრეტული და გაზომვადი კრიტერიუმებისა და რუბრიკების გამოყენებით. სტუდენტთა შეფასება ეფუძნება შეფასების ოთხ ძირითად პრინციპს: ობიექტურობა, სანდოობა, ვალიდურობა, გამჭვირვალობა. სტუდენტთა შეფასებისას გამოიყენება ორი ტიპის შეფასება: განმსაზღვრელი და განმავითარებელი. განმსაზღვრელი შეფასების მიზანია სტუდენტის მიღწევის ზუსტი შეფასება. იგი აკონტროლებს სწავლის ხარისხს, ადგენს სტუდენტის მიღწევის დონეს სასწავლო კურსით განსაზღვრულ მიზნებთან მიმართებით. განმავითარებელი შეფასება სტუდენტის განვითარებაზეა მიმართული. იგი აწვდის სტუდენტს მიღწევებთან დაკავშირებით უკუკავშირს. შეფასება 100-ქულიანი სისტემით მიმდინარეობს. შეფასების სისტემა უშვებს: ა) ხუთი სახის დადებით შეფასებას: ა.ა) (A) ფრიადი - შეფასების 91-100 ქულა; ა.ბ) (B) ძალიან კარგი - მაქსიმალური შეფასების 81-90 ქულა; ა.გ) (C) კარგი - მაქსიმალური შეფასების 71-80 ქულა; ა.დ) (D) დამაკმაყოფილებელი - მაქსიმალური შეფასების 61-70 ქულა; ა.ე) (E) საკმარისი - მაქსიმალური შეფასების 51-60 ქულა; ბ) ორი სახის უარყოფით შეფასებას: ბ.ა) (FX) ვერ ჩააბარა - მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება; ბ.ბ) (F) ჩაიჭრა - მაქსიმალური შეფასების 40 ქულა ან ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.	

სტუდენტს კრედიტი ენიჭება საბოლოო შეფასების საფუძველზე, რომელიც შედგება შუალედურ და დასკვნით შეფასებებში მიღებული ქულათა ჯამისაგან.

სტუდენტის სწავლის შედეგების მიღწევის დონის შეფასება მოიცავს შუალედურ და დასკვნით შეფასებებს, რომელთათვისაც შეფასების საერთო ქულიდან (100 ქულა) საბოლოო შეფასებაში განსაზღვრულია ხვედრითი წილი და დადგენილია მინიმალური კომპეტენციის ზღვარი. კერძოდ, მაქსიმალური 100 ქულიდან შუალედური შეფასების ხვედრითი წილი არის 70 ქულა, ხოლო დასკვნითი შეფასების - 30 ქულა. შუალედური და დასკვნითი შეფასებების ორივე კომპონენტში დადგენილია მინიმალური კომპეტენციის ზღვარი. შუალედურ შეფასებებში განსაზღვრულია შეფასების მეთოდები, რომლებიც ჯამურად შეადგენენ 70 ქულას. შეფასების თითოეული მეთოდისთვის, შეფასება ეყრდნობა წინასწარ განსაზღვრულ სწავლების მიზანსა და დავალების ფორმაზე ორიენტირებულ, ზუსტ, მკაფიო კრიტერიუმებს და მასზე დაყრდნობით შემუშავებულ შეფასების სქემებს/რუბრიკებს. სტუდენტმა შუალედურ შეფასებებში ჯამურად უნდა დააგროვოს 70 ქულის სულ მცირე 59%, რომ მოიპოვოს დასკვნით გამოცდაზე გასვლის უფლება. სტუდენტს დასკვნითი/დამატებითი გამოცდა ჩაბარებულად ეთვლება, თუ მან მიიღო 30 ქულის სულ მცირე 60%.

სტუდენტი უფლებამოსილია გავიდეს დამატებით გამოცდაზე, თუ იგი ვერ გადალახავს დასკვნითი გამოცდის მინიმალური კომპეტენციის ზღვარს. სტუდენტს დამატებით გამოცდაზე გასვლის უფლება აქვს აკადემიური კალენდრით დადგენილ პერიოდში, დასკვნითი გამოცდის შედეგების გამოცხადებიდან არანაკლებ 5 დღის ვადაში.

საბოლოო შეფასებაში 0-50 ქულის ან შეფასების რომელიმე კომპონენტში (შუალედური/დასკვნითი) მინიმალური კომპეტენციის ზღვრის ვერ გადალახვის შემთხვევაში სტუდენტს უფორმდება F-0 ქულა.

სამაგისტრო ნაშრომის შეფასება

სამაგისტრო ნაშრომი ფასდება 100-ქულიანი სისტემით. ერთიანი დასკვნითი შეფასება შედგება სამაგისტრო ნაშრომის წერილობითი ნაწილისა და საჯარო დაცვის შეფასებებისაგან. სამაგისტრო ნაშრომის წერილობით ნაწილს რეცენზენტი აფასებს მაქსიმუმ 40 ქულით, ხოლო საჯარო დაცვას დაცვის კომისია — მაქსიმუმ 60 ქულით. სამაგისტრო ნაშრომის ერთიანი დასკვნითი შეფასება განისაზღვრება წერილობითი ნაწილისა და საჯარო დაცვის შეფასებების დაჯამებით.

რეცენზენტი სამაგისტრო ნაშრომის წერილობით ნაწილს მაქსიმუმ 40 ქულის ფარგლებში აფასებს შემდეგი კრიტერიუმების საფუძველზე:

ა) საკვლევი პრობლემის აქტუალობა, კვლევის მიზნისა და ძირითადი საკითხების მკაფიოდ ჩამოყალიბება — 5 ქულა;

ბ) კვლევის მეთოდოლოგიის შესაბამისობა და მისი გამოყენების დასაბუთება — 5 ქულა;

გ) ეროვნული და საერთაშორისო სამართლებრივი, სამეცნიერო და სხვა შესაბამისი წყაროების მოძიება, შერჩევა და სათანადოდ გამოყენება — 10 ქულა;

დ) საკითხის სიღრმისეული და კრიტიკული ანალიზი, არგუმენტაციის თანმიმდევრულობა და ავტორის დამოუკიდებელი პოზიციის დასაბუთება — 10 ქულა;

ე) კვლევის შედეგების, დასკვნებისა და რეკომენდაციების დასაბუთებულობა და მათი შესაბამისობა კვლევის მიზანთან — 5 ქულა;

ვ) აკადემიური წერის, პროფესიული ტერმინოლოგიის, ციტირებისა და ტექნიკური გაფორმების წესების დაცვა — 5 ქულა.

რეცენზენტი საჯარო დაცვამდე ამზადებს წერილობით დასკვნას, რომელშიც ასახავს სამაგისტრო ნაშრომის ძლიერ და გასაუმჯობესებელ მხარეებს, შენიშვნებსა და რეკომენდაციებს. რეცენზენტის დასკვნაში სამაგისტრო ნაშრომის წერილობითი ნაწილის ქულა არ მიეთითება.

საჯარო დაცვის დასრულების შემდეგ რეცენზენტი ზემოაღნიშნული კრიტერიუმების საფუძველზე აფასებს სამაგისტრო ნაშრომის წერილობით ნაწილს. თითოეული კრიტერიუმის მიხედვით მინიჭებულ ქულასა და წერილობითი ნაწილის ჯამურ შეფასებას რეცენზენტი ასახავს შესაბამისი შეფასების ფორმაში.

დაცვის კომისიის თითოეული წევრი სამაგისტრო ნაშრომის საჯარო დაცვას მაქსიმუმ 60 ქულის ფარგლებში აფასებს შემდეგი კრიტერიუმების საფუძველზე:

ა) კვლევის მიზნის, საკვლევი პრობლემისა და ძირითადი საკითხების მკაფიოდ წარმოდგენა — 10 ქულა;

ბ) კვლევის მეთოდოლოგიისა და გამოყენებული წყაროების შერჩევის დასაბუთება — 10 ქულა;

გ) კვლევის ძირითადი შედეგების, დასკვნებისა და რეკომენდაციების თანმიმდევრულად და დამაჯერებლად წარმოდგენა — 15 ქულა;

დ) დაცვის კომისიის წევრების მიერ დასმულ კითხვებზე დასაბუთებული და სრულყოფილი პასუხების გაცემა — 15 ქულა;

ე) არგუმენტაციის, პროფესიული ტერმინოლოგიისა და აკადემიური კომუნიკაციის სათანადო დონე — 5 ქულა;
ვ) პრეზენტაციის ორგანიზება, დროის მართვა და თვალსაჩინო მასალის ეფექტიანად გამოყენება — 5 ქულა.
საჯარო დაცვის შეფასება განისაზღვრება დაცვის კომისიის წევრების მიერ მინიჭებული ქულების საშუალო არითმეტიკულით. რეცენზენტი საჯარო დაცვის შეფასებაში მონაწილეობას არ იღებს.

სამაგისტრო ნაშრომის ერთიანი დასკვნითი შეფასება გამოიხატება შემდეგი სისტემით:

- ა) (A) ფრიადი — 91–100 ქულა;
- ბ) (B) ძალიან კარგი — 81–90 ქულა;
- გ) (C) კარგი — 71–80 ქულა;
- დ) (D) დამაკმაყოფილებელი — 61–70 ქულა;
- ე) (E) საკმარისი — 51–60 ქულა;
- ვ) (FX) ვერ ჩააბარა — 41–50 ქულა;
- ზ) (F) ჩაიჭრა — 40 ქულა და ნაკლები.

სამაგისტრო ნაშრომი წარმატებით შესრულებულად და დაცულად ითვლება, თუ მაგისტრანტის ერთიანი დასკვნითი შეფასება შეადგენს არანაკლებ 60 ქულას. შეფასების საერთო სისტემით განსაზღვრული დიაპაზონის მიუხედავად, 51–59 ქულის მიღების შემთხვევაში სამაგისტრო ნაშრომი დაცულად არ მიიჩნევა, რადგან მაგისტრანტი ვერ აკმაყოფილებს სამაგისტრო ნაშრომისათვის დადგენილ მინიმალურ ზღვარს.

საჯარო დაცვის დასრულების შემდეგ დაცვის კომისია დახურულ დასკვნით სხდომაზე აჯამებს კომისიის წევრების მიერ მინიჭებულ ქულებს და განსაზღვრავს საჯარო დაცვის შეფასებას. ამავე ეტაპზე რეცენზენტი წარადგენს სამაგისტრო ნაშრომის წერილობითი ნაწილის შეფასებას. სამაგისტრო ნაშრომის ერთიან დასკვნით შეფასებას წერილობითი ნაწილისა და საჯარო დაცვის შეფასებების დაჯამებით გამოითვლის და აცხადებს სამართლის სკოლის სამეცნიერო-კვლევითი ცენტრის ხელმძღვანელი.

თუ მაგისტრანტის ერთიანი დასკვნითი შეფასება შეადგენს 41–59 ქულას, მას უფლება აქვს, გადამუშავებული სამაგისტრო ნაშრომი წარადგინოს მომდევნო სემესტრის განმავლობაში, უნივერსიტეტში დადგენილი წესით.

სამაგისტრო ნაშრომის 40 ქულით ან ნაკლები ქულით შეფასების — (F) „ჩაიჭრა“ — შემთხვევაში მაგისტრანტი კარგავს იმავე სამაგისტრო ნაშრომის ხელახლა წარდგენის უფლებას. ასეთ შემთხვევაში მაგისტრანტს უფლება აქვს, შეფასების შედეგის გამოცხადებიდან 15 კალენდარული დღის განმავლობაში სამართლის სკოლის დეკანს წარუდგინოს განცხადება ახალი სამაგისტრო თემის დამტკიცების მოთხოვნით. დეკანის დადებითი გადაწყვეტილების შემთხვევაში მაგისტრანტი შესაბამის სემესტრში ხელახლა რეგისტრირდება სამაგისტრო ნაშრომის კომპონენტზე. სამაგისტრო პროგრამის დებულებით განსაზღვრული პირობების დაცვით.

(F) „ჩაიჭრა“ შეფასების მიღების შემთხვევაში სამაგისტრო ნაშრომის ერთი ეგზემპლარი, რეცენზენტის დასკვნა, რეცენზენტის შეფასების ფორმა და დაცვის კომისიის წევრების წერილობითი შეფასებები შესანახად გადაეცემა უნივერსიტეტის არქივს.

სამაგისტრო ნაშრომის დაცვის მიმდინარეობისა და შედეგების შესახებ დგება ოქმი, რომელსაც ხელს აწერენ სხდომის მდივანი და დაცვის კომისიის წევრები. ოქმში აისახება სამაგისტრო ნაშრომის წერილობითი ნაწილის შეფასება, საჯარო დაცვის შეფასება და ერთიანი დასკვნითი შეფასება. ოქმი ინახება მაგისტრანტის პირად საქმეში.

სტუდენტი უფლებამოსილია სამაგისტრო ნაშრომის შეფასება გაასაჩივროს შეფასების შედეგის ოფიციალურად, მათ შორის ელექტრონული ფორმით, გაცნობიდან 5 კალენდარული დღის ვადაში. სამაგისტრო ნაშრომის შეფასების გასაჩივრება ხორციელდება სამართლის სკოლის სამაგისტრო პროგრამის დებულებით განსაზღვრული წესით.

სწავლებისა და სწავლის მეთოდები

სამართლის სამაგისტრო საგანმანათლებლო პროგრამით გათვალისწინებული თითოეული სასწავლო კურსის სილაბუსი განსაზღვრავს სასწავლო კურსის მიზნების მიღწევისათვის აუცილებელ სწავლა-სწავლების მეთოდებსა და აქტივობებს, რომლებიც ეფუძნება სტუდენტზე ორიენტირებული სწავლების, აქტიური ჩართულობისა და სწავლის შედეგებზე დაფუძნებული სწავლების პრინციპებს.

სასწავლო კურსების ფარგლებში გამოყენებული სწავლა-სწავლების მეთოდები შეესაბამება სწავლების საფეხურს, სასწავლო კურსის შინაარსს, მიზნებსა და დაგეგმილ სწავლის შედეგებს. პროგრამაში გამოყენებული სწავლა-სწავლების მიდგომები ორიენტირებულია არა მხოლოდ თეორიული ცოდნის შეძენაზე, არამედ პრაქტიკული, ანალიტიკური, კვლევითი, საკომუნიკაციო და პროფესიული უნარების განვითარებაზე.

სწავლა-სწავლების მეთოდები უზრუნველყოფს სასწავლო კურსებით გათვალისწინებული სწავლის შედეგების მიღწევას, ხოლო პროგრამაში გამოყენებული სწავლა-სწავლების მეთოდების ერთობლიობა ხელს უწყობს სამართლის საბაკალავრო საგანმანათლებლო პროგრამით განსაზღვრული სწავლის შედეგების

მიღწევას. სწავლა-სწავლების პროცესი ასევე მიმართულია სტუდენტებში კრიტიკული აზროვნების, სამართლებრივი მსჯელობის, დამოუკიდებელი მუშაობის, გუნდური თანამშრომლობის, ეთიკური პასუხისმგებლობისა და უწყვეტი პროფესიული განვითარების უნარების ჩამოყალიბებისა და განვითარებისკენ.

სამართლის საბაკალავრო საგანმანათლებლო პროგრამის სასწავლო კომპონენტების განხორციელებისას გამოიყენება სწავლა-სწავლების მრავალფეროვანი ფორმები, მათ შორის: ლექცია, სემინარი, სამუშაო ჯგუფში მუშაობა, იმიტირებული სასამართლო პროცესი, სიმულაციური აქტივობა, კლინიკური სწავლება, პრეზენტაცია, ელექტრონული სწავლება და სხვა.

პროგრამის ფარგლებში გამოყენებული სწავლა-სწავლების მეთოდები და აქტივობები უზრუნველყოფს სტუდენტის აქტიურ მონაწილეობას სასწავლო პროცესში, თეორიული ცოდნის პრაქტიკულ გარემოში გამოყენებასა და პროფესიული კომპეტენციების განვითარებას.

- **ვერბალური/ზეპირსიტყვიერი მეთოდი** – ლექციის, ახსნა-განმარტებისა და აკადემიური მსჯელობის ფორმით სტუდენტისთვის თეორიული მასალის მიწოდება;
- **ახსნა-განმარტებითი მეთოდი** – სამართლებრივი ცნებების, ინსტიტუტების, ნორმებისა და პრინციპების შინაარსის განმარტება, თეორიული და პრაქტიკული მაგალითების გამოყენებით;
- **დისკუსიისა და დებატების მეთოდი** – სამართლებრივ საკითხებზე სტუდენტთა ჩართულობის, კრიტიკული აზროვნების, სამართლებრივი მსჯელობისა და დასაბუთებული პოზიციის წარმოდგენის უნარის განვითარების მიზნით;
- **შემთხვევის ანალიზის მეთოდი** – კონკრეტული სამართლებრივი კაზუსების განხილვა, სამართლებრივი პრობლემის იდენტიფიცირება და შესაბამისი სამართლებრივი ნორმების გამოყენება;
- **პრობლემაზე დაფუძნებული სწავლების მეთოდი** – პრაქტიკული სამართლებრივი საკითხების ანალიზი, შეფასება და გადაწყვეტა;
- **სამართლებრივი ნორმების ინტერპრეტაციის მეთოდი** – სამართლებრივი ნორმების შინაარსის, მიზნისა და სისტემური კავშირის განმარტება და მათი პრაქტიკაში გამოყენების შეფასება;
- **სასამართლო პრაქტიკის ანალიზის მეთოდი** – ეროვნული და საერთაშორისო სასამართლოების გადაწყვეტილებების განხილვა და სამართლებრივი ნორმების პრაქტიკაში გამოყენების შეფასება;
- **შედარებით-სამართლებრივი ანალიზის მეთოდი** – სხვადასხვა სამართლებრივი სისტემების, ინსტიტუტებისა და სამართლებრივი მიდგომების შედარება და შეფასება;
- **ისტორიულ-სამართლებრივი ანალიზის მეთოდი** – სამართლებრივი ინსტიტუტების, წყაროებისა და სამართლის განვითარების ისტორიული საფუძვლების შესწავლა და ანალიზი;
- **კვლევითი მეთოდი** – სამართლებრივი პრობლემების შესწავლა, ინფორმაციის მოძიება, დამუშავება და ანალიზი;
- **წერითი მუშაობის მეთოდი** – კაზუსების, სამართლებრივი დასკვნების, ანალიტიკური ნაშრომების, მემორანდუმებისა და სხვა იურიდიული დოკუმენტების მომზადება;
- **პრეზენტაციის მეთოდი** – სამართლებრივი საკითხების ზეპირი წარმოდგენა, არგუმენტირებული მსჯელობა და დისკუსიაში მონაწილეობა;
- **თანამშრომლობითი (ჯგუფური) სწავლების მეთოდი** – სტუდენტთა ჯგუფური მუშაობა, სამართლებრივი საკითხების ერთობლივი განხილვა და არგუმენტირებული პოზიციების გაზიარება;
- **გონებრივი იერიშის მეთოდი** – კონკრეტულ სამართლებრივ საკითხთან ან პრობლემასთან დაკავშირებით იდეებისა და მოსაზრებების თავისუფალი გენერირება;
- **ლოგიკური ჯაჭვის მეთოდი** (მოსაზრება – მიზეზი – მაგალითი – შეჯამება) – არგუმენტირებული, თანმიმდევრული და ლოგიკური მსჯელობის განვითარების მიზნით;
- **როლური თამაშისა და სიმულაციური სწავლების მეთოდი** – პრაქტიკული სამართლებრივი სიტუაციების მოდელირება და პროფესიული უნარების განვითარება;
- **იმიტირებული სასამართლო პროცესის მეთოდი** – სასამართლო პროცესის სიმულაციის გზით სამართლებრივი არგუმენტაციის, ზეპირი გამოსვლისა და პროფესიული კომუნიკაციის უნარების განვითარება;
- **პროექტზე დაფუძნებული სწავლების მეთოდი** – ინდივიდუალური ან ჯგუფური სამართლებრივი პროექტების განხორციელება;
- **ელექტრონული სწავლების მეთოდი** – ელექტრონული სასწავლო რესურსების, სამართლებრივი მონაცემთა ბაზებისა და სასწავლო პლატფორმების გამოყენება;
- **დამოუკიდებელი მუშაობის მეთოდი** – კანონმდებლობის, სასამართლო პრაქტიკის, დოქტრინული წყაროებისა და სხვა სასწავლო მასალის დამოუკიდებლად მოძიება, დამუშავება და ანალიზი.

I ეტაპი – პროფესიული და სპეციალიზაციის ნაწილი (პირველი 60 ECTS)

პირველი 60 კრედიტიანი ნაწილი ორიენტირებულია სამართლის ერთ ან რამდენიმე სფეროში სიღრმისეული ცოდნის მიღებასა და პრაქტიკული უნარების განვითარებაზე.

სასწავლო კომპონენტი მოიცავს:

- სავალდებულო კურსებს (ინგლისური ენა იურისტებისთვის; ევროკავშირის სამართლის გავლენა ეროვნულ სამართალზე);
- სპეციალიზაციის მოდულებს (კერძო, საჯარო ან სისხლის სამართლის მიმართულებით), რომლებიც მოიცავს როგორც სავალდებულო, ისე არჩევით საგნებს;
- საერთაშორისო კომპონენტს (ინგლისურენოვანი კურსი);
- პრაქტიკულ კომპონენტს — კლინიკურ განათლებასა და პროფესიულ პრაქტიკას.

პროგრამის კომპონენტებს შორის არსებული ფართო არჩევანი სტუდენტს შესაძლებლობას აძლევს, ინდივიდუალურად ჩამოაყალიბოს საკუთარი აკადემიური და პროფესიული პროფილი და სხვადასხვა კონცენტრაციიდან შეარჩიოს ის სასწავლო კომპონენტები, რომლებიც მის სავარაუდო პროფესიულ საქმიანობასა და დასაქმების სფეროს ყველაზე მეტად შეესაბამება. აღნიშნული მიდგომა ხელს უწყობს როგორც დარგობრივი სპეციალიზაციის გაღრმავებას, ისე ინტერდისციპლინური და პრაქტიკაზე ორიენტირებული კომპეტენციების განვითარებას.

სტუდენტს უფლება აქვს, ერთი სპეციალიზაციის მოდულის ფარგლებში დააგროვოს არაუმეტეს 20 ECTS კრედიტისა, ხოლო დარჩენილი 10 ECTS კრედიტი — სხვა სპეციალიზაციის მოდულებიდან შეთავაზებული სასწავლო კურსების გავლით. აღნიშნული წესი გულისხმობს დარჩენილი 10 ECTS კრედიტის თანაბრად განაწილებას დანარჩენ ორ სპეციალიზაციის მოდულზე და თითოეული მოდულით განსაზღვრული ერთი სავალდებულო, 5-კრედიტიანი სასწავლო კურსის გავლას.

საგანმანათლებლო პროგრამაში I ნაწილში სტუდენტებს ინგლისურად შეეთავაზება:

საერთაშორისო სამართლის (ინგლისურენოვანი) კომპონენტი (სავალდებულოა ერთი საგანი):

1. საერთაშორისო სახელშეკრულებო სამართალი (თეორია და პრაქტიკა)
2. საერთაშორისო კერძო სამართალი და საერთაშორისო სამოქალაქო პროცესი
3. საერთაშორისო სისხლის სამართალი: თეორია და პრაქტიკა.

II ეტაპი – კვლევითი და ანალიტიკური ნაწილი (მეორე 60 ECTS)

მეორე 60 კრედიტიანი ნაწილი ეფუძნება პირველ ეტაპზე მიღებულ ცოდნას და უზრუნველყოფს კვლევითი კომპეტენციების განვითარებას, ანალიტიკური აზროვნების გაღრმავებასა და დამოუკიდებელი მუშაობის უნარის ჩამოყალიბებას. პროგრამის აღნიშნული ნაწილი ორიენტირებულია სტუდენტის აკადემიური და კვლევითი უნარების სისტემურ განვითარებაზე, სამართლებრივი პრობლემების კრიტიკულ ანალიზსა და დამოუკიდებელი კვლევის განხორციელებაზე.

კვლევითი მომზადება (30 ECTS)

კვლევითი და ანალიტიკური ნაწილის პირველი კომპონენტი წარმოადგენს ერთიან, ინტეგრირებულ კვლევით ბლოკს, რომელიც მოიცავს შემდეგ კურსებს:

- აკადემიური წერა და სამართლებრივი კვლევის მეთოდები;
- სამართლებრივი კვლევის დიზაინი და მეთოდოლოგიური ანალიზი;
- ინტერდისციპლინარული კვლევითი ნაშრომი;
- სასამართლო პრაქტიკისა და საერთაშორისო კომერციული დავების ანალიზი

აღნიშნული კურსები შინაარსობრივად ურთიერთდაკავშირებულია და ხორციელდება კოორდინირებულად, ეტაპობრივი და ინტეგრირებული სწავლების მოდელის საფუძველზე, ისე, რომ თითოეული სასწავლო კურსი უზრუნველყოფს კვლევითი პროცესის კონკრეტული კომპონენტის განვითარებას და ქმნის საფუძველს შემდგომი კვლევითი და ანალიტიკური უნარების ფორმირებისათვის.

სასწავლო კურსები ორიენტირებულია სტუდენტის მიერ აკადემიური წერის, სამართლებრივი კვლევის, კვლევის დიზაინის, მეთოდოლოგიური ანალიზის, სასამართლო პრაქტიკის კვლევის, კრიტიკული

მსჯელობისა და ინტერდისციპლინური ანალიზის უნარების ეტაპობრივ განვითარებაზე. აღნიშნული ბლოკის ფარგლებში სტუდენტები ერთიანი კვლევითი პროექტის ფორმატში ავითარებენ აკადემიური წერის უნარებს, გეგმავენ კვლევას, აყალიბებენ კვლევის დიზაინსა და მეთოდოლოგიურ ჩარჩოს, არჩევენ და ასაბუთებენ შესაბამის მეთოდოლოგიურ მიდგომებს, აანალიზებენ სასამართლო პრაქტიკასა და სამართლებრივ პრობლემებს და ამზადებენ ინტერდისციპლინარულ კვლევით ნაშრომს.

კვლევითი ბლოკი უზრუნველყოფს სტუდენტის მიერ სამართლებრივი და ინტერდისციპლინური წყაროების ინტეგრირებული გამოყენების, კვლევითი პრობლემის დამოუკიდებლად ფორმულირების, კვლევის ანალიტიკური განვითარებისა და აკადემიური სტანდარტების შესაბამისად კვლევითი შედეგების წერილობითი და ზეპირი წარმოდგენის უნარების განვითარებას.

კვლევის განხორციელება (30 ECTS)

კვლევითი და ანალიტიკური ნაწილის დასკვნითი კომპონენტი ეთმობა სამაგისტრო ნაშრომის დამოუკიდებლად შესრულებასა და დაცვას, რაც უზრუნველყოფს სტუდენტის მიერ მიღებული ცოდნის, კვლევითი გამოცდილებისა და ანალიტიკური უნარების პრაქტიკულ რეალიზებას.

I ეტაპი – პროფესიული და სპეციალიზაციის ნაწილი (პირველი 60 ECTS)

საჯარო სამართლის მოდული - არჩევითი მოდული ერთი სავალდებულო საგნით

საჯარო სამართლის მოდული წარმოადგენს სამართლის სამაგისტრო საგანმანათლებლო პროგრამის არჩევით მიმართულებას, რომლის ფარგლებში სტუდენტს ეძლევა შესაძლებლობა, გააღრმავოს ცოდნა საჯარო სამართლის სფეროში და განივითაროს კომპლექსური საჯარო-სამართლებრივი პრობლემების ანალიზისა და გადაწყვეტის უნარი.

მოდულის ფარგლებში სტუდენტი ვალდებულია გაიაროს ერთი სავალდებულო სასწავლო კურსი:

- თანამედროვე ადმინისტრაციული სამართალი და სასამართლო პრაქტიკა — 5 ECTS.

გარდა სავალდებულო სასწავლო კურსისა, სტუდენტს შეუძლია საჯარო სამართლის მოდულის ფარგლებში აირჩიოს სხვა სასწავლო კურსები საკუთარი ინტერესის, პროფესიული მიზნებისა და კვლევითი მიმართულების შესაბამისად.

საჯარო სამართლის მოდულის არჩევითი სასწავლო კურსებია:

- შედარებითი კონსტიტუციონალიზმის თანამედროვე ტენდენციები — 5 ECTS;
- ადამიანის უფლებათა ევროპულ სასამართლოში საქმის წარმოება — 5 ECTS;
- ანტიკორუფციული სამართალი — 5 ECTS;
- ინფორმაციის თავისუფლება და მისი პრაქტიკული ასპექტები — 5 ECTS;
- რეგულირების საფუძვლები — 5 ECTS;
- შრომის უსაფრთხოების ეროვნული და საერთაშორისო რეგულაციები — 5 ECTS.

მოდული უზრუნველყოფს სტუდენტის მიერ საჯარო სამართლის თანამედროვე ტენდენციების, სასამართლო პრაქტიკისა და დოქტრინული მიდგომების კრიტიკულ გააზრებას, ასევე საჯარო-სამართლებრივი პრობლემების დასაბუთებული ანალიზისა და გადაწყვეტის უნარის განვითარებას.

მობილობის წესით ჩარიცხულ სტუდენტს, შესაბამისი დოკუმენტაციის წარმოდგენის საფუძველზე, შესაძლებელია ჩაეთვალოს სხვა უმაღლეს საგანმანათლებლო დაწესებულებაში ათვისებული საჯარო სამართლის მიმართულების შესაბამისი სასწავლო კურსები.

კერძო სამართლის მოდული - არჩევითი მოდული ერთი სავალდებულო საგნით

კერძო სამართლის მოდული წარმოადგენს სამართლის სამაგისტრო საგანმანათლებლო პროგრამის არჩევით მიმართულებას, რომლის ფარგლებში სტუდენტს ეძლევა შესაძლებლობა, გააღრმავოს ცოდნა კერძო სამართლის სფეროში და განივითაროს კომპლექსური კერძო-სამართლებრივი ურთიერთობების ანალიზისა და პრაქტიკული გადაწყვეტის უნარი.

მოდულის ფარგლებში სტუდენტი ვალდებულია გაიაროს ერთი სავალდებულო სასწავლო კურსი:

- შედარებითი კერძო სამართალი — 5 ECTS.

გარდა სავალდებულო სასწავლო კურსისა, სტუდენტს შეუძლია კერძო სამართლის მოდულის ფარგლებში აირჩიოს სხვა სასწავლო კურსები საკუთარი ინტერესის, პროფესიული მიზნებისა და კვლევითი მიმართულების შესაბამისად.

კერძო სამართლის მოდულის არჩევითი სასწავლო კურსებია:

- შედარებითი სახელშეკრულებო სამართალი — 5 ECTS;
- ბიზნეს დავების განხილვა და გადაწყვეტა სასამართლოში — 5 ECTS;
- უცხო ქვეყნის გადაწყვეტილებათა ცნობა და აღსრულება და ადამიანის უფლებები — 5 ECTS;
- სახელშეკრულებო ვალდებულებები და სასამართლო პრაქტიკა — 5 ECTS;
- შედარებითი კონკურენციის სამართალი — 5 ECTS
- საინვესტიციო სამართალი — 5 ECTS;
- საერთაშორისო სავაჭრო სამართალი — 5 ECTS;
- საერთაშორისო კომერციული დავების განხილვა და გადაწყვეტა მედიაციასა და არბიტრაჟში — 5 ECTS;
- საერთაშორისო ნასყიდობის სამართალი — 5 ECTS.

მოდული უზრუნველყოფს სტუდენტის მიერ კერძო სამართლის სფეროში არსებული თანამედროვე ტენდენციების, სასამართლო პრაქტიკისა და დოქტრინული მიდგომების კრიტიკულ გააზრებას, აგრეთვე კერძო-სამართლებრივი დავების ეფექტიანი გადაწყვეტის უნარის განვითარებას როგორც ეროვნულ, ისე საერთაშორისო კონტექსტში.

მობილობის წესით ჩარიცხულ სტუდენტს, შესაბამისი დოკუმენტაციის წარმოდგენის საფუძველზე, შესაძლებელია ჩათვალოს სხვა უმაღლეს საგანმანათლებლო დაწესებულებაში ათვისებული კერძო სამართლის მიმართულების შესაბამისი სასწავლო კურსები.

სისხლის სამართლის მოდული - არჩევითი მოდული ერთი სავალდებულო საგნით

სისხლის სამართლის მოდული წარმოადგენს სამართლის სამაგისტრო საგანმანათლებლო პროგრამის არჩევით მიმართულებას, რომლის ფარგლებში სტუდენტს ეძლევა შესაძლებლობა, გააღრმავოს ცოდნა სისხლის სამართლის სფეროში და განივითაროს კომპლექსური სისხლის-სამართლებრივი პრობლემების ანალიზისა და პრაქტიკული გადაწყვეტის უნარი.

მოდულის ფარგლებში სტუდენტი ვალდებულია გაიაროს ერთი სავალდებულო სასწავლო კურსი:

- თანამედროვე სისხლის სამართლის თეორია და სასამართლო პრაქტიკა — 5 ECTS.

გარდა სავალდებულო სასწავლო კურსისა, სტუდენტს შეუძლია სისხლის სამართლის მოდულის ფარგლებში აირჩიოს სხვა სასწავლო კურსები საკუთარი ინტერესის, პროფესიული მიზნებისა და კვლევითი მიმართულების შესაბამისად.

სისხლის სამართლის მოდულის არჩევითი სასწავლო კურსებია:

- ორგანიზებული დანაშაული: სამართალშეფარდების პრობლემები — 5 ECTS;
- ქალთა მიმართ ძალადობისა და ოჯახში ძალადობის ეროვნული და საერთაშორისო სამართლებრივი რეგულირება — 5 ECTS;
- აღდგენითი მართლმსაჯულება — 5 ECTS;
- სისხლის სამართლის საქმის სასამართლოში განხილვის პრობლემები — 5 ECTS;
- ტურიზმის სისხლის სამართალი — 5 ECTS;
- ეკონომიკური დანაშაულები — 5 ECTS;

მოდული უზრუნველყოფს სტუდენტის მიერ სისხლის სამართლის სფეროში არსებული თანამედროვე ტენდენციების, დოქტრინისა და სასამართლო პრაქტიკის კრიტიკულ გააზრებას, აგრეთვე დანაშაულის სამართლებრივი შეფასებისა და შესაბამისი გადაწყვეტილებების მიღების უნარის განვითარებას როგორც ეროვნულ, ისე საერთაშორისო კონტექსტში.

მობილობის წესით ჩარიცხულ სტუდენტს, შესაბამისი დოკუმენტაციის წარმოდგენის საფუძველზე, შესაძლებელია ჩათვალოს სხვა უმაღლეს საგანმანათლებლო დაწესებულებაში ათვისებული სისხლის სამართლის მიმართულების შესაბამისი სასწავლო კურსები.

საერთაშორისო სამართლის ინგლისურენოვანი მოდული - ინგლისურენოვანი მოდული ერთი სავალდებულო საგნით

საერთაშორისო სამართლის კომპონენტი წარმოადგენს სამართლის სამაგისტრო საგანმანათლებლო პროგრამის სავალდებულო ელემენტს, რომლის მიზანია სტუდენტებს განუვითაროს საერთაშორისო სამართლებრივ გარემოში საქმიანობისათვის აუცილებელი ცოდნა და უნარები, აგრეთვე უზრუნველყოს პროფესიული ინგლისურის გამოყენება სამართლებრივ კონტექსტში.

აღნიშნული კომპონენტის ფარგლებში სტუდენტი ვალდებულია აირჩიოს და გაიაროს ერთ-ერთი ინგლისურენოვანი სასწავლო კურსი შემდეგი ჩამონათვალიდან:

- საერთაშორისო სახელშეკრულებო სამართალი (თეორია და პრაქტიკა) — 5 ECTS;
- საერთაშორისო კერძო სამართალი და საერთაშორისო სამოქალაქო პროცესი — 5 ECTS;
- საერთაშორისო სისხლის სამართალი: თეორია და პრაქტიკა — 5 ECTS.

პრაქტიკული მოდული (15 ECTS კრედიტი)
აღნიშნული მოდული სტუდენტს შესაძლებლობას აძლევს, აირჩიოს პრაქტიკის განხორციელების ერთ-ერთი ალტერნატიული ფორმა, რომელიც შეიძლება განხორციელდეს როგორც კავკასიის უნივერსიტეტის სამართლის სკოლის პარტნიორ ორგანიზაციებში, ისე უნივერსიტეტის ფარგლებში მოქმედ სამართლის კლინიკაში. კომპონენტი უზრუნველყოფს სტუდენტის ჩართვას რეალურ პროფესიულ საქმიანობაში და მოიცავს სამართლებრივი დოკუმენტების მომზადებას, სამართლებრივი პრობლემების ანალიზს, პრაქტიკული დავალებების შესრულებასა და კონკრეტული სამართლებრივი შემთხვევების გადაწყვეტაში მონაწილეობას. აღნიშნული პროცესი ხელს უწყობს პროფესიული უნარების განვითარებას, თეორიული ცოდნის პრაქტიკაში გამოყენებას, პროფესიული ეთიკის სტანდარტების გააზრებასა და სტუდენტის მომავალი პროფესიული საქმიანობისათვის აუცილებელი კომპეტენციების განმტკიცებას. პრაქტიკული კომპონენტის ალტერნატიული ფორმის სახით, სპეციალობით დასაქმებულ სტუდენტს შესაძლებლობა აქვს აირჩიოს „სამართლებრივი ტექსტების პროფესიული დამუშავების პრაქტიკული კურსი“ რომელიც ორიენტირებულია იურიდიული და აკადემიური ტექსტების პრაქტიკულ დამუშავებაზე, სამართლებრივი დოკუმენტების მომზადებაზე, სასამართლო პრაქტიკისა და სამართლებრივი წყაროების ანალიზზე, პროფესიული იურიდიული კომუნიკაციისა და სამართლებრივი წერის უნარების განვითარებაზე. კურსის ფარგლებში სტუდენტი ამზადებს პრაქტიკულ სამართლებრივ პროდუქტს, მათ შორის კაზუსთა კრებულს, სამართლებრივ სასწავლო მასალას, სამართლებრივი დოკუმენტის პროექტს ან სასამართლო პრაქტიკის ანალიტიკურ მიმოხილვას ქართულ ან უცხო ენაზე.
II ეტაპი – კვლევითი და ანალიტიკური ნაწილი (მეორე 60 ECTS)
კვლევითი მომზადება (30 ECTS)
აღნიშნული მოდული წარმოადგენს პროგრამის კვლევით და მეთოდოლოგიურ საფუძველს და მიზნად ისახავს სტუდენტის აკადემიური, ანალიტიკური და კვლევითი კომპეტენციების სისტემურ განვითარებას. ბლოკი აერთიანებს ურთიერთდაკავშირებულ სასწავლო კურსებს, რომლებიც სტუდენტს ეტაპობრივად ამზადებს დამოუკიდებელი სამართლებრივი კვლევის დაგეგმვის, განხორციელებისა და წარმოდგენისთვის. კვლევითი მომზადების ბლოკი მოიცავს შემდეგ კურსებს: • აკადემიური წერა და სამართლებრივი კვლევის მეთოდები; • სამართლებრივი კვლევის დიზაინი და მეთოდოლოგიური ანალიზი; • ინტერდისციპლინარული კვლევითი ნაშრომი; • სასამართლო პრაქტიკისა და საერთაშორისო კომერციული დავების ანალიზი. კურსები ხორციელდება ინტეგრირებულ და კოორდინირებულ ფორმატში, რაც უზრუნველყოფს სტუდენტის მიერ კვლევითი პროცესის ყველა ძირითადი ეტაპის თანმიმდევრულად ათვისებას. აღნიშნული ბლოკის ფარგლებში სტუდენტი სწავლობს კვლევითი პრობლემის იდენტიფიცირებას, კვლევის მიზნებისა და ამოცანების განსაზღვრას, შესაბამისი მეთოდოლოგიის შერჩევასა და დასაბუთებას, სამართლებრივი წყაროებისა და სასამართლო პრაქტიკის კრიტიკულ ანალიზს, საერთაშორისო კომერციული დავების შეფასებასა და ანალიტიკურ განხილვას, ასევე აკადემიური სტანდარტების დაცვით კვლევითი ნაშრომის მომზადებას. ბლოკის ინტერდისციპლინური და პრაქტიკაზე ორიენტირებული ხასიათი ხელს უწყობს სტუდენტის მიერ კომპლექსური სამართლებრივი საკითხების მრავალმხრივ გააზრებას, სასამართლო და კომერციული დავების პრაქტიკის ანალიტიკურ შეფასებას, არგუმენტაციისა და კვლევითი უნარების განვითარებას, აგრეთვე დამოუკიდებელი კვლევითი საქმიანობისათვის აუცილებელი კომპეტენციების ჩამოყალიბებას
კვლევის განხორციელება (30 ECTS)
აღნიშნული მოდული წარმოადგენს პროგრამის კვლევითი და ანალიტიკური ნაწილის დასკვნით კომპონენტს და მიზნად ისახავს სტუდენტის მიერ დამოუკიდებელი სამართლებრივი კვლევის სრულყოფილად განხორციელებას. ბლოკი მთლიანად ეთმობა სამაგისტრო ნაშრომის მომზადებასა და დაცვას, რომლის ფარგლებშიც სტუდენტი პრაქტიკაში იყენებს პროგრამის განმავლობაში მიღებულ თეორიულ ცოდნას, კვლევით გამოცდილებასა და ანალიტიკურ უნარებს.
შენიშვნა
• მოცემული საგანმანათლებლო პროგრამის განხორციელებას დეტალურად აზუსტებს და უზრუნველყოფს კავკასიის უნივერსიტეტის პრეზიდენტის ბრძანებით დამტკიცებული „კავკასიის სამართლის სკოლის მაგისტრატურის დებულება“. • კავკასიის სამართლის სკოლას და ტალინის ტექნოლოგიების უნივერსიტეტს შორის არსებობს მჭიდრო თანამშრომლობა რომლითაც სტუდენტს შესაძლებლობა ეძლევათ სამაგისტრო თემის დამუშავებისას ყავდეს

უცხოელი ხელმძღვანელი, ხელი მიუწვდებოდეს მონაცემთა ბაზებზე და რესურსებზე რომელიც პარტნიორ უნივერსიტეტს აქვს, რაც ასევე მოიცავს სტუდენტთა, აკადემიური პერსონალის გაცვლით პროგრამაში მონაწილეობას. სტუდენტებს შეძლებლობა აქვთ ერთი სემესტრის განმავლობაში გაიარონ სათანადო კურსები, რომელთა კრედიტები აღიარებული იქნება პროგრამის ფარგლებში.

ტალინის ტექნოლოგიების უნივერსიტეტის სამართლის სამაგისტრო პროგრამა და სწავლების პირობები იხ.

შემდეგ ვებ-გვერდებზე: https://www.ttu.ee/studying/masters/masters_programmes/m_law/

- სამართლის სამაგისტრო საგანმანათლებლო პროგრამის სტუდენტს უფლება აქვს, საკუთარი აკადემიური და პროფესიული ინტერესების შესაბამისად, კავკასიის უნივერსიტეტის სხვა სკოლების სამაგისტრო საგანმანათლებლო პროგრამებიდან აირჩიოს პროგრამის მიზნებსა და სწავლის შედეგებთან შინაარსობრივად დაკავშირებული სასწავლო კურსები და დააგროვოს არაუმეტეს 10 ECTS თავისუფალი კრედიტი. თავისუფალი კრედიტის ფარგლებში არჩეული სასწავლო კურსი უნდა ემსახურებოდეს სტუდენტის სამართლებრივი, კვლევითი, ანალიტიკური, პროფესიული კომუნიკაციისა და ინტერდისციპლინური უნარების განვითარებას. თავისუფალი კრედიტის ფარგლებში გავლილი სასწავლო კურსი შესაძლებელია ჩათვლილ იქნეს პროგრამის არჩევითი კომპონენტის ფარგლებში, პროგრამით დადგენილი წესისა და წინაპირობების შესაბამისად.

**სამაგისტრო საგანმანათლებლო პროგრამის, I ნაწილის სასწავლო გეგმა
(მოდულები, საგნები შესაბამისი კრედიტების მითითებით)**

№	საგნის კოდი	საგანი	დაშვების წინაპირობა	ECTS კრედიტი			
				I ნაწილი 60 კრედიტი			
				სემესტრი			
				I	II		
	I ნაწილი						
	სავალდებულო საგნები:			30	30		
1.	MLE 5120.11	ინგლისური ენა იურისტებისათვის	არ გააჩნია	5			
2.	MLCN 5321.11	პრაქტიკა	არ გააჩნია		15		
3	MPALN 5325.11	ევროკავშირის სამართლის გავლენა ეროვნულ სამართალზე	არ გააჩნია	5			
4	MPTN 5321.11	სამართლებრივი ტექსტების პროფესიული დამუშავების პრაქტიკული კურსი (პრაქტიკის ალტერნატივა)	არ გააჩნია		15		
	საერთაშორისო სამართლის (ინგლისურენოვანი) კომპონენტი (სავალდებულოა ერთი საგანი)				5		
1.	MIPLN 5321.11	საერთაშორისო სახელშეკრულებო სამართალი (თეორია და პრაქტიკა)	არ გააჩნია		5		
2.	MIPLN 5323.11	საერთაშორისო კერძო სამართალი და საერთაშორისო სამოქალაქო პროცესი	არ გააჩნია		5		
3.	MIPLN 5324.11	საერთაშორისო სისხლის სამართალი: თეორია და პრაქტიკა	არ გააჩნია		5		
	მოდული – კერძო სამართალი (არჩევითი; ერთი სასწავლო კურსი სავალდებულოა)			5			
1	MCILA 5121.11	შედარებითი კერძო სამართალი	არ გააჩნია	5			
2	MCIL 5229.11	შედარებითი სახელშეკრულებო სამართალი	არ გააჩნია	5			
3	MCIL 5230.11	ბიზნეს დავების განხილვა და გადაწყვეტა სასამართლოში	არ გააჩნია	5			
4	MCIL 5231.11	უცხო ქვეყნის გადაწყვეტილებათა ცნობა და აღსრულება და ადამიანის უფლებები	არ გააჩნია	5			
5	MCIL 5222.11	სახელშეკრულებო ვალდებულებები და სასამართლო პრაქტიკა	არ გააჩნია		5		
6	MCIL 5224.11	შედარებითი კონკურენციის სამართალი	არ გააჩნია		5		
7	MCIL 5322.11	საინვესტიციო სამართალი	არ გააჩნია		5		
8	MCIL	საერთაშორისო სავაჭრო სამართალი	არ გააჩნია		5		

№	საგნის კოდი	საგანი	დაშვების წინაპირობა	ECTS კრედიტი			
				I ნაწილი 60 კრედიტი			
				სემესტრი			
				I	II		
	5228.11						
9	MCIL 5232.11	საერთაშორისო კომერციული დავების განხილვა და გადაწყვეტა მედიაციასა და არბიტრაჟში	არ გააჩნია		5		
10	MCIL 5233.11	საერთაშორისო ნასყიდობის სამართალი	არ გააჩნია		5		
	მოდული – სისხლის სამართალი (არჩევითი; ერთი სასწავლო კურსი სავალდებულოა)			5			
1	MCRMA 5121.11	თანამედროვე სისხლის სამართლის თეორია და სასამართლო პრაქტიკა	არ გააჩნია	5			
2	MCRM 5322.11	ორგანიზებული დანაშაული: სამართალშეფარდების პრობლემები	არ გააჩნია	5			
	MCRM 5224.11	ქალთა მიმართ ძალადობისა და ოჯახში ძალადობის ეროვნული და საერთაშორისო სამართლებრივი რეგულირება	არ გააჩნია		5		
3	MCRM 5223.11	აღდგენითი მართლმსაჯულება	არ გააჩნია		5		
4	MCRM 5221.11	სისხლის სამართლის საქმის სასამართლოში განხილვის პრობლემები	არ გააჩნია		5		
5	MCRM 5325.11	ტურიზმის სისხლის სამართალი	არ გააჩნია		5		
5	MCRM 5323.11	ეკონომიკური დანაშაული	არ გააჩნია		5		
	მოდული – საჯარო სამართალი (არჩევითი; ერთი სასწავლო კურსი სავალდებულოა)			5			
1	MPALA 5122.11	თანამედროვე ადმინისტრაციული სამართალი და სასამართლო პრაქტიკა	არ გააჩნია	5			
2	MPALN 5121.11	შედარებითი კონსტიტუციონალიზმის თანამედროვე ტენდენციები	არ გააჩნია	5			
3	MPAL 5223.11	ადამიანის უფლებათა ევროპულ სასამართლოში საქმის წარმოება	არ გააჩნია		5		
4	MPAL 5225.11	ანტიკორუფციული სამართალი			5		
5	MPAL 5321.11	ინფორმაციის თავისუფლება და მისი პრაქტიკული ასპექტები	არ გააჩნია		5		
6	MPAL 5326.11	რეგულირების საფუძვლები	არ გააჩნია		5		
7	MPAL 5327.11	შრომის უსაფრთხოების ეროვნული და საერთაშორისო რეგულაციები	არ გააჩნია		5		
სემესტრში				30	30		
წელიწადში				60			

№	საგნის კოდი	საგანი	დაშვების წინაპირობა	ECTS კრედიტი			
				I ნაწილი 60 კრედიტი			
				სემესტრი			
				I	II		
სულ				60			

**სამაგისტრო საგანმანათლებლო პროგრამის II ნაწილის სასწავლო გეგმა
(მოდულები, საგნები შესაბამისი კრედიტების მითითებით)**

II ნაწილი							
კვლევითი და მეთოდოლოგიური კომპონენტი (სავალდებულო)						30	
1	MRCH 5220.21	აკადემიური წერა და სამართლებრივი კვლევის მეთოდები	არ გააჩნია			5	
2	MDMT 5321.21	სამართლებრივი კვლევის დიზაინი და მეთოდოლოგიური ანალიზი	არ გააჩნია			5	
3	MLCN 5322.21	ინტერდისციპლინარული კვლევითი ნაშრომი	არ გააჩნია			15	
4	MPRA 5323.21	სასამართლო პრაქტიკისა და საერთაშორისო კომერციული დავების ანალიზი	არ გააჩნია			5	

სამეცნიერო კვლევის კომპონენტი (სავალდებულო)							30
1.	MMSDE 5420.21	სამაგისტრო ნაშრომის შესრულება და დაცვა	MRCH 5220.21, MDMT5321.21. MLCN 5322.21, MPRA 5323.21				30
სემესტრში						30	30
წელიწადში						60	